

沈乃文 主編

明別集叢刊 第三輯

第五冊

黃山書社



国家出版基金项目
NATIONAL PUBLISHING FUND PROJECT

『十二五』國家重點圖書出版規劃項目
2011—2020年國家古籍整理出版規劃重點項目

沈乃文 主編

明別集叢刊 第三輯

第五冊

黃山書社



(明)陸師道 撰

陸尚寶遺文不分卷

民國二十三年上虞羅
氏石印百爵齋叢刻本

陽山湯君墓志銘

富陽知縣吳縣湯君盤卜以嘉靖壬子

父陽山府君於縣負山之麓手具事狀謁其同年友

陸師道託銘墓中之石師道不敢以不文辭則為扼

狀大略序次之曰君諱 字辭甫陽山其別號也考

諱 鴻臚序班妣鄭氏鴻臚之父諱 本素氏姊嫁

湯君適無子以鴻臚為之子故鴻臚從湯姓鴻臚食

湯之德也深臨終以治命戒其子若孫不可忘湯德

故君終身不敢易湯姓初鴻臚好古尚文而仕不達

見君資性開敏為聚書廷師教之期以起其家君亦

感奮刻厲于學補縣舉弟子員然數擯於有司不得

進家又中落乃以經學授徒養其親攻苦如淡而最

力甘旨能使親忘其貧親喪柴瘠以居當祭必涕泣

思慕遇時不哀自富陽舉于鄉即絕意進取益以篇

籍自娛凡子史百家下至醫卜養生奇字聲韻之學

無所不窺論辨證援必詳而義至其評駁古今作者

亦不苟為附和文多楊子雲太立詩宗漢魏盛唐詩

詞發藻恒師模之蘇軾唐宋大家視之若不暇也晚

復遊心內典日取其書紬繹之時遊畫林與縉流參

扣問難機鋒穎利往往屈其尊宿君平居修謹衣冠

步趨斤斤矩矱而與人居樂易融洽未嘗以色待物

人以是益親之富陽數上禮部下中以君年益高勉

就選得今官迎君就養君以其地多佳山水甚喜無

何思其女歸視之以疾卒于家時富陽抵任才 月

耳其民困甚宜之上官亦多知其材者人謂富陽由

此得榮貴其親不逮而君不待死矣惜哉君生成化

乙未十月二十六日卒嘉靖辛亥四月六日辛年七

十有七配陸氏子男即盤娶陸氏女嫁陸言孫孫男

曾吳縣學生娶張氏曾孫男慧文聘蔣氏女幼銘曰

有嘉弗施曰嗣其志有尊弗崇孝思何窮壽考令淑

返宅貞麓尚有顯褒實此吉卜

明故觀瀾曹先生墓志銘

先生吳縣人姓曹氏諱吳字元大別號觀瀾曾大考

銘大考瀚大城縣舉教諭考珩妣唐氏丘氏余氏曹

氏自勝國以來世世業儒而大城竟以儒顯然其父

子祖孫守章句教授里中卒不廢故先生自弱冠即

正席為人師矩度詳雅顏色嚴厲不事夏楚而諸生

帖帖守規約雖謹於是里中父老無不欲令子弟出

先生門下者及先生之兄念憲公舉進士歷貴顯屢

從子姓往往盛與服為游間態而先生布衣授徒自

如久之有司知先生之賢延與鄉飲鄉飲多高年老

人是時先生年未六十徒以學行故獨皆推讓先生

其後它耆儒多被汰黜而先生周還賓席餘三十年

無議之者先生年益高子孫治產業衣食饒給乃以

老謝諸生諸生有子孫成長可就學者終不肯名他

師咸復為先生弟子歲時謁問雖白童冠踵相接於

門先生孝慈兼厚姑憮寡營不飲酒不好遠遊諸書之暇時為小詩自遣亦多棄稿不錄其於家人生屋作業未嘗問有無也配姚氏生一子鉅先卒娶孫氏孫男二志充娶錢氏志全娶谷氏女二一嫁高第一嫁禮部主事陸師道曾孫男三謙先娶郭氏國光聘孔氏初 曾孫女二各許聘 先曾 先生生于天順甲申正月十六日卒于嘉靖壬子四月八日享年八十有九嘉靖甲寅八月二十八日葬吳縣至院家橋合姚之兆顧言曰以師道銘銘曰

秩秩曾宗顯聞以儒儀儀先生克紹詩書模斯範斯童蒙有造輝紀六十鄉里善教艾宿于學踰奎益恭履履壽終式我章達既樂既原亦全而歸永福百世

雜安之始

明故承直郎工部都水司主事周君墓志銘

君諱主字厚卿別號東齋姓周氏其先出晉安東將軍開林世以宗繼開元末避兵族散譜燬故世次不得詳其居太倉州之雙鳳里者則自諱 始 後世至君兄弟相繼以經學科第顯而雙鳳之周遂為諸宗望高祖賢永樂間嘗以處士徵不起曾祖濟祖崇考輝以子在青累贈中憲大夫湖廣按察司副使母王氏累贈奉人君以正德丙子舉于應天凡九試禮部而志不退卒中嘉靖辛丑進士授工部都水司主事管開濟宣濟宣據漕河之脊地形高陲南北率下數十百尺水下趨易竭而要人貴客日夜馳驚至

不以時輒啓開馳去主者亦視勢力為依違莫敢進何君至則一切裁之以法為刻啓閉之期視水羸縮而以舟之先後至為次於是尊官要人皆帖帖俯首守閘下莫敢動有當塗者北上不得先則要治河都御史為啓開開官吏以守君法被撻君即稱疾卧都御史令人謝君君起白都御史曰 國家大計公寔總理主事特職蓄洩佐漕事公顧統之其如 國計何中貴人進鮮多挾勢作威君壹不為禮有張某者橫甚君案其科索生事以家人置之法貴勢家競造座船皆載籠利為漕河便而賈人亦往往假大官之名榜其衙于舟所在漏稅越度人莫敢詰君悉按治之或轉相附託更來祈免則謂其人曰畜馬乘不察

雜文

于難豚安有大臣屑為此哉於是豪猾詐偽無所容而謗議日至于京師京師故人貽書勸少敗為目全計君謝曰吾平日迫恐無以報 聖明竭忠案奸吾職也尚復願望首鼠計自全邪由是謗君者益得行其說而君以考察罷矣時都御史周公工部尚書甘公皆惜君議置謫籍中而竟不能免也初君之至濟寧天旱泉竭君禱于禹祠而雨既而雨決旬不止諸湖泛溢堤坊壞漂蕩民居君率吏民下木石塞諸決口却蓋冒風雨而進民免熱溺濟嘗飢君召知州責以民流亡不能撫使越入它境因出公餘助之賑流者以復其濬治漕河程工庀財費率捐三之二君之政事可紀者如此君孝友雍睦內行修備遇人坦亮

平直未嘗見其怒容及當官強執人莫能奪是其所
養誠有未易窺者而一命輒斥惜哉君配陳氏先平
子男七鎡娶王鑑早卒王以死節 旌表金娶吳銖
娶梁紆娶龔鏗娶歸鏗尚幼女三嫁顧樞王克一
顧允熙樞國子生銖克一允熙皆學生孫男七泳
潤泌湯汴演宗孫女四君生於成化丙午十月三十
日卒於嘉靖己酉十二月三十日金等卜以嘉靖三
十一年十一月二十四日葬君州之某鄉洪塘之原
以君姓潮州府通判錫之狀來乞銘銘曰
世脂韋以為同兮子獨異也澳忍而容容兮子直以
遂也執方求通兮蘇則自蹈也雖不利於達兮亦莫
奪吾志也刻銘幽宮兮哀之人之瘁也

陸文
五
明故鄉貢進士陳君墓誌銘

君諱達字履賢別號養亭姓陳氏其先汴人宋南遷
時有為學諭者從渡江家吳之吳苑鄉迄今子孫焉
衍遂為吳之甲族曾祖範以高年 詔授冠帶祖興
封文林郎翰林院編修考壽 太子贊善翰林院
學士贊治尹國子監祭酒母柏氏祭酒公年近五十
而君始生有異相股節伸屈有聲祭酒公心奇之童
年授書記誦即了大義操翰題壁儼若成人稍長厲
志經學業日精進乃益事博綜泛覽羣籍為古文歌
詩期盡繼其家學嘗以詩贊見父友翰林鉅公極加
賞數以儒士應試南都歸補縣學生援例入國子監
特為祭酒南海倫公所知堂試諸生輒占高等文舉

籍籍起監中同舍故能以為莫及而君固不自足也
咨扣名德遠請無敢聞鴻臚卿太和歐陽公倡明性
理之學即往師事之講究問難多所領悟鴻臚公深
器重焉丁酉中應天鄉試是歲考官以策語被逮舉
子皆不得封 制事丑丁祭酒公憂甲辰始一上春
官又不第歸而感疾遂卒君性高朗俊邁不羣而篤
於倫理居祭酒公喪戚而能易與母弟造友愛尤至
祭酒公好花樂予宗族鄉鄰咸被其惠及公卒乃有
誣構君訟且中以繁役者人皆為君不堪而君爾應
裕如詳評愧息君亦愈益激叩振拓先世田廬生殖
不替而有加然遇凶荒即輸家人毋取盈於佃庸以
重其困蓋所編者至十之五由是鄉人德君如德祭

陸文
六
酒公也君才識通練既見端緒而立志超卓常以遠

大自期俾獲用世必有過人者而竟不得年以卒惜
哉平時神爽不亂先數日語其子曰時昔之夜夢有
以書召余者期十三日無更矣余殆將以是日逝夫
至日果不起寔嘉靖乙巳之三月也距其生正德庚
午為年三十有六娶華氏通政經歷傅之女子男三
憲仁娶褚氏繼文氏憲明娶王氏憲倫聘李氏女三
長適太學生徐履和次子吳承謙吳夢熊孫男一君
卒後五歲憲仁與徐氏女相繼卒憲明卜以嘉靖三
十一年十一月二十四日葬君吳縣 鄉長岐嶺
之新阡以叔父太學生造之狀來乞銘銘曰
脂吾車兮秣吾馬指千里兮吾將舍驥方駟兮車折

軸嗟哉才高命何促

友松胡翁墓志銘

翁諱源字孟淵姓胡氏友松其別號也嘗受七品散官人不之稱但稱爲友松翁云夫父繼宗父琦母吳氏翁本嘉興之崇德人世業農父歿困於繁役因以先世田廬悉讓兄弟脫身來居蘇崇德業種蠶而長洲織工爲盛翁往來二邑間習絲治繒時通賈販易竟因是起其家久之益築居第結婚姻教子讀書就文儒遂占籍長洲爲土著不去然獨念其母不置則治寢迎就養母甚安之時時還崇德視他子翁必致甘毳獻新衣以爲問及母喪故葬務從其厚自恨生之不得專養也歲時奠享必涕泣孺慕終其身不哀

陸文

七

翁居家儉約不妄費一錢而故人戚鄰有以緩急告者未嘗不應雖負之弗計也天資謹愿遇人煦煦運讓紀而不爭嘗被同役者誣逮人咸爲翁危竟以証左白其長厚免翁善龜笑然雅不以自名人有知之者從問休咎無不奇中及病革自卜知不起却待待盡謂之知命非邪翁生成化而申六月廿日卒嘉靖庚戌十二月九日享年七十有五元配趙氏生子汝佐娶邵女嫁王瀚次配王氏生子汝仁娶徐汝隨贅周女嫁劉存仁今配錢氏生子汝化吳縣學生娶顧女字吳郊孫男四舜田舜巡餘幼孫女六汝佐等卜以癸丑十二月壬辰葬翁武丘鄉白蓮窪黃宇園之新阡汝化寔來請銘翁善教子汝化故多長者之游

余亦因汝化識翁茲又以余友彭孔之狀來故不辭銘曰

長洲之胡自翁始去官而儒慈厥子鬱鬱新宮祖百世

王子美墓志銘

嗚呼王君已矣往在京師雪中與余登西山望居庸顧眺東海指燕趙之郊掀髯抵掌傲睨一世浩然樂也既而南歸相與汎具區入林屋振衣煙鋤南窺玉女張公洞山善權諸福地歸息于石湖席丘之陽扁舟載酒嘯詠相屬謂此樂可以忘老而執意君之遽不可作耶嗚呼悲夫君諱曰都字子美嘗遊茅山華陽洞見石上題洞泉二字甚奇偉因自號洞泉居士

陸文

八

王氏之先自福清徙長洲代有聞人唐水部郎中蔡宋著作雍國朝光菴先生賓其最著者也光菴瑋節獨行焯焯絕人而特精於醫教子孫多以醫鳴者若瞿齋先生敬敬鶴先生觀父子名重當世而瞿齋君之曾祖也君不及事及事從祖款鶴翁從受素難諸書及先世禁方診籍治狀在王氏羣從中號能承其家學會有詔徵名醫子孫之嘗有仕籍者君故醫士節孫也又負其能緣是應詔求自效既試中禮部充太醫院醫士君高抗自喜不能詘折俯仰人視輩類有以貴緣致通顯者唾罵不肯與伍故久無推挽之者時婦父待詔之公在翰林從父文選王公在吏部二公所交往皆天下名卿賢大夫君周還延接

或紹介之諸公多所舉行與交而君終不肯出一語有所干請親梯媒以進及兩公先後引歸君亦拂衣還吳中吳中人爭求君治疾即責富人必視其禮意勤懇乃往即貧不能報者至走治不以遠為辭然君治貧者無不隨手愈而責富人或不能取速效至齟齬謝去君乃歎曰郭王所謂療貴人有四難者此其驗邪抑吾本數奇好與豪有力者戾耶由是君醫名日益盛而家日益窶然君視脉固明甚其所刻期愈與所刻期死者至期無不應太學生石民立不病而言其將死果死府學生王履道既治未矣而言其脉伏當生果生太學生王履吉儀制員外表補之內弟文雲承醫人表政皆壯年暴病他醫計日許之起者

陸文

九

君獨曰不可起果無能起之者此特余耳目所睹記耳他所決治不治甚多 恙也君長身玉立美鬚鬢意氣爽朗性喜客客至貰酒豪飲不問家有無善為詩歌喜調笑諧謔最給人莫能窮又能斟酒諸公宴集不得君在座不歡鉅室慕君威具延致則峻避之若浼己然此其中所存詎易可量而余所為惜君者又豈直杯酒宴遊之間而已哉嗚呼悲夫君父雲縣學生母仰氏娶文氏生子男三親臣娶何信臣娶吳繼聘顧重臣未聘女一嫁縣學生毛友仁側出女一君生弘治乙卯八月五日卒嘉靖壬子十月二十九日葬以癸丑十二月二十二日墓在吳縣吳山桃花塢祖塋之側君葬有日翰林吏部二公皆臨視葬事

而親臣願以銘見屬余辭不敢親臣曰吾二祖哀不能狀故狀之彭丈孔加敢以此請余乃不復辭銘曰吳山蒼蒼石湖漫漫君厥淵濁兮高明是宅

明故曲阜縣丞沙公墓誌銘

沙氏之先汴人也洪武中太醫院醫士福一始來籍長洲福一生景銘景銘生謙謙有三子八孫皆能家高門大第相望里中而沙氏始大然文儒之業則自曲阜公與公之從兄太平經歷良弼始太平寬和坦易曲阜敬直檢飭然皆以忠信長厚師表族人不徒以文學仕進充其宗也而公皆晚仕早休優游以享高年又有園池水竹子孫賓客之奉里鄰莫不稱羨以為後生式不數年而相繼以卒老長凋喪豈獨其

陸文

十

宗之不幸哉嘉靖三十三年十一月二十三日曲阜葬于長洲縣武丘鄉彩雲里之新阡其孫魯自為狀來請銘昔太平與先大父同學舍相友善故其卒也屬師道表其墓而師道兄弟少嘗學於曲阜之家受知焉故曲阜之子若孫寔從師道兄弟遊而師道之子與猶子又師曲阜之子則曲阜之銘師道其美辭遂為考次其狀而序之曰公諱緒字良著別號一峰晚更號蓮塘父志翁翁濬則讓之季子也娶許氏生公少充長洲縣學弟子員例補國子生課試恒在高等數應天鄉舉不中晚就選得曲阜縣丞人意公不滿其官而公願自喜曰吾弱冠即有鄒魯而遊興而今遂耶上日謁闕里廟拜庭下聞殿中若奏金石音

從事者咸以為誠感縣人郭御史某為紀其事三氏
學為不分原增附公請於提學應副使得序補如州
縣學由是三氏子孫始有所激勵孔氏田侵于勢家
公為理而歸之縣本庫小士大夫徑山東謁孔廟者
較相擊夫役遂為里甲病公為稽淘泉夫差直以佐
其膏民得無竄其折微明敏而恕庭無滯訟使無淹
繫上官材之縣缺令微公視篆者三年公自少有志
用世其待選家食時即守武康徐公將浚白茅河博
詢諸生以治之之策公所擇為特為徐公事可多采
行之識者已謂公達於從政至是端緒少見庶克展
布而限於資地不久解去君子蓋深惜之公性至孝
自志前翁無恙時即令諸子異宮居約傳共供養父

陸文

母以次而更公獨治園藝池館亭館數椽鮮微散招
賓客與父嬉遊凡所以娛奉其親者無不至故父母
遂常居公所不去及解官歸母老無齒公與陸夫人
朝夕治療作醢船調和以進雖子婦滿前不使執饋
也待族人自思從弟元遺孤無所依公收而字之與
人交不為翁翁然久之不覺蓋親人而過不面相
詰問微詞諷之使改而已公生成化庚子十二月三
日卒嘉靖丙午二月十日享年六十有七配陸氏生
子二獻娶金先平瑞娶金庶子三琛府學生娶王珍
娶陸繼張瑄娶陳女二長洲縣學生韓鳴鳳顧璽其
婿也孫男五長即魯縣學生次希曾希董某某孫女
四曾孫女二銘曰

惟德之崇既耀厥宗位之弗流為後人之達

明故醫師長君孝甫墓誌銘

先君孝甫名仁長洲世醫家也父橘隱翁有盛名
于時孝甫志繼其盛故自號傳橘生孝甫早歲受諸
家所藏書即能領解然不以自滿屏居木瀆取張仲
景傷寒書反復讀之分經析證測傳極變悉貫而通
之乃出治人疾無不隨手愈者由是人爭求孝甫治
孝甫亦益自信汗則汗下則下吐則吐他醫縮手吐
舌莫敢視視而孝甫無誤往往以邪氣方盛禁病人
勿食即病家恐懼不能守者強進穀覲其安即敗不
治孝甫生平所起疾及所決不起者甚多然孝甫不
肯立藥案曰吾道不及古人僅守其成法取一試之

陸文

驗而敢冒之以盜後世名耶故不得而悉著焉孝甫
居家無他資惟以醫自業而能不汲汲於賂謝有貧
不能致之者無問識不識聞輒自往往必奏功而後
已以是人咸稱孝甫長者孝甫坦蕩和易與物無忤
性嗜酒每旦辨色起有叩門迎醫者隨遠近行視略
過至日晏即從人飲或召客酣歌相徵逐雖貴富人
迎之弗往矣家人曰為具以待孝甫雖不歸客亦滿
座呼酒相酬勸孝甫歸見之即大笑就坐益與歡呼
為驩或已醉則瞪目視客不謝而卧客固安坐行酒
自若雖僮奴不知孰為客主也人無貴賤高下無不
可與飲者里中醖會必率孝甫孝甫雖不往亦必出
錢如所率由是樂日售而皆用恒不充然孝甫孝於

親母姚早卒父蘭谷娶從母周又生四子因分孝甫
外居實不持一錢出及力能就大屋即迎父母依已
以養弟未娶者為娶無產者為治生業竟能得從母
之驩孝甫年五十有六以嘉靖甲寅九月二十四日
卒平時志慮澄定不少亂素紙筆為遺言囑其子繼
忠具簡尤以弗克終為恨悲號而殯嗚呼亦
可傷矣配周氏生子椿娶姚氏孫男一孫女二繼配
黃氏無出椿以是歲十一月十七日葬孝甫吳天壤
祖塋合周之兆奉縣學生陳君謨狀來乞銘孝甫與
余交周之葬余實志之則孝甫安可以不銘銘曰
和光以為道仁親以為仁術足以壽人而不壽其身
嗚呼其命耶

陸文

紫芝胡君墓誌銘

鄉進士吳桓率其門生胡數哀經詣余再拜以請曰
桓自弱冠時交紫芝胡君即館其家而授經君之子
數周旋歿於垂二十年其好禮敦義蓋不特桓奔走
之友也不幸卒矣葬有日知胡君者宜莫桓若也敢
為狀以數請願先生賜之銘桓余門生也余素知胡
君且知桓之不誣遂為序次其狀而銘之曰胡君諱
連字仲器紫芝其別號也君本吳縣張氏父濟縣學
生娶胡氏生三子胡之兄曰守朴翁瑣壯未有子卜
於諸甥謂其仲獨朗潤克堂構因乞以為嗣則君也
故君從胡姓守朴翁家中紀君力以振衰為己任所
居常闢閭中市肆櫛比率以厚資寵貨罔利而君質

獨方則從高實實營運刻日月以償君有心計所
財皆持精良易售而息嘗有贏至期必償之不夾故
千金之貨徒手性無弗與者久之富商鉅客爭任君
而四方賈販亦多歸君君所得乃倍於厚皆者君則
益揮市人之長於智算者今列肆販易君固游閒自
如而家日以起於是治居室厚奉養守朴翁日與客
博酒歌飲為歡固忘其無子也君乃曰終不可使胡
氏無嫡嗣因為翁置側室居歲餘不宜子輒嫁之而
更置凡置數妾晚得 氏連舉五子幼學壯室資費
咸自君出又人為植生產教之作業諸弟稍成長君
乃慨然有用世意即走京師求以醫自效初君少多
病好讀書難諸書輒能自領解因偏扣名醫與相參

陸文

究出為人視脉處方雖宿醫弗及也由是求治者日
益眾名日益起會故人有官醫垣者招之入京得通
籍太醫院為醫士京師多迎君治疾其視脉處方又
往往出諸貴醫上故朝士多知君者然是時省院久
不徵醫無能薦也已而所從母張氏卒竟以初服奔
喪歸君事張篤於所生至是恨不及含歛哀毀伏苦
塊過時不哀初守朴翁不事事凡家之政君為其外
張為其內母子相為完護及張卒君內顧不得復連
適而家指日益眾門戶算賦更費浩繁君又仁隱好
施內外族部待之舉火者數十家節衣縮食不能贍
君益窮日夜矻矻自力勞瘁而不知復年未及艾髮
皤然白矣未幾竟卒得歲僅五十有四嗚呼惜哉君

和易有鑑籍生平未嘗一與物忤間有悔之者不校也少事廢舉未嘗學問中歲更耽典籍經覽輒通與人言舉舉多文談其論古今治亂得失時出所見評斷每得古人所未發嘗言違亂之世無樂土惟勿與小人作惡庶幾避兵之術耳識者以名言君娶周氏生子男一即舉吳縣學生娶周氏女二長字商軌未嫁天次適許汪孫男三汝成汝儀汝文孫女二君墓在某山某原葬之日則某年月日也銘曰

野樵王翁墓志銘

陸文

野樵翁諱忱字表中姓王氏世為蘇之吳縣人高祖曾始為陰陽家言曾祖士宗祖理父顯皆世其學不墜然率事農田服膺治生不專以術行世至翁尤喜讀其家所藏書稍益通五行建除之數為人相地則日以葬頗與諸葬師異葬師皆干為迎合以炫技儀貨相高而翁技術自重人鮮知之翁亦不汲汲求人知及吳中一二聞家獨信翁言以葬者其子孫未嘗不盛也然翁自葬其父時繫地者願去故家求益置翁側然曰發人之親以葬其親豈孝子之心哉吾寧厚若直耳家不可去即穿其傍地以葬而封樹故冢不毀歲時祭墓輒分杯羹危酒祀焉其所存如此直與以方隅禁忌謀人射賂謝者異也翁仁隱亦自天

性每行見露就必亟歸率家人荷鍤往埋之親友稱貸不能償者多指與不索中歲里胥舉之長鄉稅翁素文弱不任趨役庭中受事多借顧人更費無紀民有逋欠官府又一切取償於翁由是盡破其產衣粗食惡至人不能堪而翁甘足枯槁不一形於嗟咄自是始專名陰陽自業朝夕裁取自給終不肯效他術家有所干請也及子來賓醫有名于時家稍稍復起翁即謝其業不事而教子敦行孝弟務敦指下人以保其家翁沉靜修謹居常無情容綱語事母孝甚得子道李表明翁每旦籲天為城隍神起居躬扶持之及歿當祭必泣涕霑衣翁晚亦病目頗修攝生吐納之法年近七十種子雖然能作小楷書人異之以為

陸文

六

壽徵嘉靖甲寅海寇焚郡郭翁先墓在近郊翁日夜念之懼遂病滯下竟以八月二十六日不起距其生成化癸卯正月六日得年七十有二娶顧氏無出繼郭氏生子男二來賓娶徐用子娶林女三通湯休陶棠俞倫係男一立齡聘周孫女三以明年乙卯三月二十日葬父墓之次即翁所卜也地在雁蕩村治字園來賓與余交余家有病必問之治故往來甚稔至是以文學周公瑕狀來乞銘銘曰

此祥

亡妻陳氏墓誌銘

嘉靖二十八年十一月二十日禮部儀制主事長洲

陸師道之繼室陳氏卒歲卜葬不食越六年嘉靖甲寅十二月甲申始克從姑陳太安人葬嚴巷村先舅都水公之墓北則外比先繼室吳安人壙右既窆師道刻其墓石而掩之曰陳氏長洲聞家世居縣之丈姚村自都御史成濟公為大官顯聞于時宗姓益盛子孫世事詩禮雖貧不徙業至淡泉居士諱濟讀書授徒里中稱德人長者娶長溪夏氏生女慎擇所歸過年不嫁師道喪吳安人聞而娶焉既歸事太安人寅畏不逆從師道去祿家食能甘淡薄無所豔慕相與安焉歸八年生三女長字金應次皆不育因以感疾卒年止二十有六銘曰

婉三女士婦從姑余獨不得事母悲永孤

陸文

三

情竹華君墓誌銘

君諱子母字亦喬別自號情竹生姓華氏華出宋戴
公自考父食于華寔始因地受氏至齊孝子寶以孝
顯天下而無錫之華獨為諸華望其後榮以仕家居
汴原泉以扈蹕還錫而拓業鵞湖之上者則自貞固
處士棕韓始貞固之曾孫曰守誠生鍾鍾生需是為
君之曾祖祖父母錢氏君生而朗悟五歲能背誦大
學中庸不遺一字稍長業進士為程文已有端緒以
父病不事事始棄舉業不事事農田以養晝夜課僮
奴力畊一不以濶其父父掌鄉稅役繁重君有兄在
而勞費皆身任之不辭族老長有憫之者議請于官
使與兄低昂分任君撫然曰此非閭閻之漸耶吾何

忍為之卒謝其族人。不願且武。勿令吾兄知也。外氏家中。喪舅姑。繼歿終事。多取辦。君而歲時祀事。亦君舉之。不曠妻異母弟。貧無依。君收而給之。數年。死於君。葬且養其母。如其子之存族。既蕃。盛于姓。雖處小有。事達君。協比。救解。務底。敦睦。恒曰。兄弟伯叔。皆吾一體。吾可視如路人耶。故五服長切。皆宗而親之。鄉人誣訟君。抵罪亡歸。或勸君終訟。逮之。往戍。所者君笑曰。彼受人教導。正應憐其愚。無知耳。竟聽其自便。君事親孝。嘗與子就試。常執得巨魚。將饌客。忽思其父。即走人馳六七十里。持為晚食。饋而羹客。他味客皆歎息。以為茅季偉。不過也。及居母喪。哀毀得疾。除服未幾。竟卒。年僅四十。有五耳。其生為正德戊辰五

德業

人

月二十有七日其卒為嘉靖癸丑三月十有六日其葬為乙卯正月 日其墓在壽椿山其配曰錢氏其子曰士翹其情之已婚者曰蔡壽卿王大銓其未婚者曰錢某錢某錢某其孫男女各一男夫女初將葬士翹手為狀介其祖姑之夫錢君道卿來乞銘銘曰

華實御族摩姓維采實以孝顯道炳千載自汴而錫
益著益昌君纂以承不墮其光侃侃于鄉閭閭于宗
克世維孝翼翼斯恭壽椿壽樹壽性即立宅刻銘從之
後有考德

明故夢萱顧翁墓誌銘

吳縣境西南窮太湖濱湖之鎮曰橫金山阻水迂民

遠去官府租稅徵發多不以時集故其鄉長稅者人爭避不肯為有為者不旋踵輒破其產而夢董顧翁獨父子相繼任其事者三世家不墜而益隆翁諱文榮字世思曾祖青祖恂父忠世家鎮之西其為稅長自翁父時民已信服至翁益能奉公集事凶年民貧亡翁輒出藏粟代民償稅他稅長適欠銀藉而翁獨輸納如期官長益材而任之至懿歲民終不敢不償翁所代故翁田廬事產亦不廢而有贏民有爭或詣翁得翁一言平曲直輒解去不顧至公庭及翁老而休乃令長子洪持家政次子潮應官府各事其事而合幫共費庭無間言故能久任繁鉅而下以役為志者不獨以財長雄其鄉亦由有禮義故睦為之術聖

陸文

元

也翁既以力本居積致富然布衣草履自奉固儉集而振貧恤匱則未嘗有所靳里有病涉則曰渠於我修鄰有患亂則曰棺於我給族屬里黨率多倚成於翁子婿蘇州衛指揮袁雄貧不能養父職翁頗索資遣之卒以世其官痛母蔣氏早世因以夢董自號歲時享祀涕淚慘怛悲不自勝事繼母張尤盡孝養不異於所生與人交無少長貴賤皆任真直不隨時俗為俯仰然人信其朴誠益親敬之云翁生成化年丑七月一日卒嘉靖甲寅三月二十四日享年七十有四配張氏嚴氏子男子三洪娶翁繼徐潮娶胡璣王深娶沈子女子三嫁沈而袁雄者皆先卒其切在室孫男六相利賓植棟棟校利賓府學生孫女六曾

孫男五曾孫女三洪等卜以卒之明年乙卯十二月十有二日葬翁寶華山全家塋之新阡以其塾師郎文學陳君與忠狀來乞銘余弟安道與植為友增其舅韓君寔介以來不可辭銘曰

伉哉直本是力義以異家既翁不忠沒壽而遠銘紀實石可泐德不沒

雲心陸君暨配魏令人合葬墓志銘

嘉靖辛亥三月二日雲心陸君喪其配魏氏謂其友韓吉甫曰吾不得吾妻無以成吾家吾國所以不朽吾妻者墓無銘不可也君嘗遊陸氏制之門矣誠願因君以丐其一言以為不朽託末及請而陸君病且卒屬其子應辰以必與魏合葬葬必得吾銘應辰乃

陸文

子

介吉甫持信陽守郭君之狀來泣拜以啟其遺言余與君同姓且念其父子意持至不忍辭也乃為采摭其狀及以吉甫之言而序之曰君諱子龍字維臣別號雲心世居吳之閶門勝國時有名友者以博古藝文名當世蓋君之世祖也譜燬莫得倫系之詳然宗人率聚居故里不徙而君父夢雲翁亦鑒古博物與諸名士遊能不墜其家聲夢雲諱璣娶陳氏生君而家稍圯君慨然思自振植以所居在閶闔中百物聚賈因擇人而任以貿易凡數十輩隨材授業各射所利便僕役駟僮爭為盡力久之貨財流溢邸店增拓君固雍容游適而家日以起於是益捐貲購古器法書名畫因通博易與好事家賞鑒品評以為

樂故賢士大夫當與夢雲遊者蓋愛重君而與之交
君居身儉約雖家稍增綺而躬衣布素不肯事侈靡
至延師教子賓禮婦紳則館錄豐饌禮文周至乃略
無纖音態人有以緩急告者解衣推食以周至於無
宿往往往出其所望事繼母史如其母生養死葬備物
而盡禮繼母之子不治生產君力振贍之為婚嫁其
子女曰厚吾弟所以厚吾父也嘉靖甲寅八月十五
日卒年七十有四與親同生而壽逾其三魏長洲人
出家文靖公後父歲母鄧氏自幼莊肅閑于內則初
歸時家未立盡脫簪珥以佐君資家既就緒食牀日
益眾米鹽瑣細出入管綸悉令人操之撫御婢僕問
遺親姻隆殺疏戚無弗當君意者年未四十無所育

陸文

五

即為君廣置妾賂連下慈而有則諸御化之亦爾
無間言及得應辰即躬自保抱顧復教誨恩通所生
則君所為哭之哀者又不特以遺家之辛勤也應辰
盛出娶袁氏女四嫁劉伯沈大勳吳思義初字蔣文
治暮在吳縣花園山祖塋之旁葬以乙卯十一月二
十九日銘曰
陸望于吳魏宗大儒孰作之合德則不孤既肇有家
亦綿厥胤歸不同年同于落殯花園蔭蔭有鬱雖松
往偕斯藏終古其從

明故通政陳公夫人

誥封宜人張氏墓誌銘

誥封宜人張氏故太醫院使進階通政司右通政吳
縣陳公諱寵之夫人也其先自崑山徙京師為

縣人父克用母 氏宜人人生若干年而歸公為繼室
以公貴封宜人進封宜人年七十有五以嘉靖甲寅
七月八日卒九月十六日葬墓在吳縣黃山與公合
兆所生女一嫁國子生伍忠光庶子三渙太醫院冠
帶醫士直 聖濟殿娶沈繼周沛國子生娶陸繼成
治聘朱女五其四婿曰錢獻徵俞忠國縣學生劉斌
湯鼎新其一未字孫男女各一宜人之為女也能順
事父母以有聞於族姻其歸于陳也能繼前夫人張
氏姜氏之賢以有其室而使舅姑夫子咸有以自解
而不戚戚於悼亡其為婦也能事皇舅院使公皇姑
史太宜人在逮如在近而使二親不以子婦不在側
而不怡院使公之喪通政公慟而殯其子而宜人下

陸文

五

以愛子之故變其哀其為妻也通政公始以布衣仕
醫院日給事內庭不得顧其家宜人能以儉勤總內
治以佐公之康及公歷位通顯祿賜優渥宜人再受
命封矣能不以賤貧者富勸其中而勸公亟退以全
公之名其為女君也能速進諸事以育子而使諸妻
化之亦相親睦無嫉妬之心其為母也能均愛齊諸
而使其庶子女親君母踰其母其為姑也能感之以
德意而使其婦養之於約也必致旨而私以撫自宜
嗚呼宜人之德如是不可無銘以示久遠銘曰
夫人之德順而明來胥有家陳日興婦妻母姑道與
尊貴膺 顯命諫則承以約居堯愈堅貞康壽令終
慶有徵誰為斯銘從甥孫實書不病言不文

仰山程君暨配葉令人合葬墓誌銘

吳縣學生程策將葬其父仰山府君暨母葉令人于休寧縣閩川祖塋手具事狀介余友顧君汝才來乞銘余讀其詞甚哀不忍辭也按狀君諱悅字亨通別號仰山姓程氏為休寧著姓居邑之會里代有顯人宋十八朝議 遷中澤傳若干世有名文者為徽州府學生復遷閩川則君之祖也父嚴母 氏君生有至性少喪父年六七歲時嘗出共里中兒戲母召責之即跪受訓戒知自感悔不數歲其母復喪哀毀骨立鄉人嗟異歲時薦祭恒涕泣如初喪過時物珍新必倍感痛曰嗟呼吾少不得事吾父長遭貧困又不克竭甘旨於吾母今力足以備物而親不待矣奈何

陸文

主

因泣數行下一日見老嫗過門狀類其母悲感彌月其篤孝如此君舉止修飾言語詳雅冠服整潔衣裾澹如其客遊吳中雖泥途塵市而婦紳名流往往歎其士行樂與之交與人為錢通尤敦信義嘗得遺金於地俟其人而還之其轉任滬保人為盡力無所侵冒他商多以喪資繁訟而君未嘗一至公庭君自以家世業儒已獨以少孤失學乃篤意教其子策延師購書不惜厚費及策遊學宮君喜謂之曰汝今庶幾能不墜先世之緒耶因令省母於家未返而君以疾卒矣宣嘉靖辛亥 月 日也年僅六十有七娶葉氏諱周父泰母吳氏君同里人也柔順靜默能以險勤佐君起其家如平服勞不以富貧變節君既久客

吳中欲迎與之俱令人曰丈夫固有事四方者也君既素懋遷且攜少子出游學豈可復以余累君余婦人願守閨門為君與長子歲時掃丘隴耳因勸君納妾劉氏侍中櫛而身督家人力作間拓貨產卒與吳中相埒云其卒後君三歲為嘉靖甲寅 月 日得年七十有一葬以乙卯閏月六日君生二子長弟娶吳次即策娶史孫男二長某先卒次府妹女五長適某次適吳餘在室曾孫男一銘曰君奮孤童力亢宗刑家孝恭令德從外義內雍約而豐老偕令終歸則同閩川有宮厚且崇高從之達貴其封

明故楚府良醫春江陳君墓誌銘

陸文

主

君諱應字世澤別號春江姓陳氏其先臨淮人從宋南渡來家吳縣世業醫有良炳者仕元為翰林學士同知太醫院其孫本道醫吳孟氏孟故名小兒醫故本道亦遂名小兒醫其後子孫因世其業不徒本道之孫曰仲和有二子長曰公賢次曰公尚公尚與子希正皆以醫入仕至院判通政而公賢傳子體元則不仕而退以其術鳴于鄉然其父子名稱籍甚人所趨赴尊敬之下下仕顯者體元諱乾號東菴娶翰林檢討徽府長史董公克明之女生四子皆傳其業仕為郡國醫官而君其仲也侍次楚府良醫方東菴公術盛行求諸輻湊其宗人及他醫之有名者皆莫及君自幼受方東菴公所即能得東菴公意稍長東菴